

Kalaallit Nunaanni Suliffigissaasut

Ukiumoortumik nalunaarut 2008

Qallunaat Suliffissaqartitsinermut naalakkersuisoqarfiata Kalaallit Nunaanni Sullivinni Avatangiisit pillugit Inatsisit nalunaarutaat nr. 1048, 26. oktober 2005-meersoq naapertorlugu Kalaallit Nunaanni Suliffigissaasut pilersinneqarput.

Suliffigissaasut 2008-mi ima inuttaqarput:

	Ateq:	Suliffeqarfik:	Sinniisusaaq:
Siulittaasooq	Sten A. J. Lund	Naalakkersuisunit toqqagaq	
Ilaasortaq	Lisbeth Frederiksen	IMAK, PPK, PIP	Sivso Dorph
Siulittaasullu	sinniisussaa		
Ilaasortaq	Beathe Hendriksen	SIK	
Ilaasortaq	Sofie Fleischer	SIK	
Ilaasortaq	Dorthe Johansen	AK, ASG	Erik Hammeken
Ilaasortaq	Kisea Bruun	KANUKOKA	Svend Møller
Ilaasortaq	Karsten Klausen	GA	
Ilaasortaq	Erne Olsen	SSK	Kristian Nukajaraq Lennert
Ilaasortaq	Flemming Enequist	Qallunaat	anigaasaqarnermut naalakkersuisoqarfiat
suleqatigalugu	Naalakkersuisunit toqqagaasooq		

Suliffigissaasut ataatsimiittarneri

Ataatsimiinneq siulleg– 23. april 2008

Ukiumi ataatsimiinnermi siullermi Kalaallit Nunaanni Suliitilluni Ajoqusersimanermut tunngatillugu ataatsimiittaliameersoq Johannes Kardel peqataavoq, Suliffigissaasullu makku eqqartorpaat:

1. Sullivinni avatangiisit pillugit kattuffiit 2008-mi suliniutaat

- IMAK, PPK, PIP-illu suliniutaat: PPK-mi siulittaasooq taarserneqarpoq: Birtha Bianco marsip 31-ani asoorpoq, juunip aallaqqaataata tungaanut Annette M Hansen juunillu aallaqqaataaniit Karin Holler.
PIP Isumaqatigiissut nutaaq akissarsianik qaffaaffiusooq, utoqqasaanut aqqissuussinernik erninermullu tunngatillugu sulinngiffeqartarnermut imaqartoq
IMAK. Apriilimi Ilulissani aallartitat ataatsimiinnerat.
Nittartakkami oqaluinnarluni nalunaarusiaq. Tunngavissat suliniutissallu nutaat akuersissutigineqarput, tassani sullivinni avatangiisit qitiutinneqarlutik, kiisalu april 2007-mi ataatsimeersuarnermiit innersuutigineqartut malitseqartinnissaat.
Ilaasortat siunnersuutaat amerlasuut toqqaannartumik toqqaannangikkaluamillu sullivinni avatangiisit pillugit apeqqutinik attuumassuteqartut.
Maleruagassat allanngortinnerat – kommunit kattunnerannik Kalaallillu Nunaani suliffeqarnermut tunngatillugu aqqissuusaanermut allannguinissamik kissaateqarneq peqqutigalugit.
Sinniisunut sungiussisimasunut oqaloqatiginninnissamut pikkorissarneq kiisalu aqutsisunut pikkorissarneq marsi/apriilimi ingerlanneqartoq.
Suliassat amerlanerujartuinnartut sullivinni avatangiisinut suli tunngassuteqarput.
Ulloq unnuarlu sulinngiffeqarsinnaaneq (fridøgn) qasuersaartarnerilu pillugit isumaqatigiissuteqarnissap qanittumi naammassinissaa neriuuteqartoqarpoq.
Ukiamut sinniisut nutaat pikkorissartinneqassapput aqutsisunullu pikkorissarnerit suli amerlanerusut pilersaarutaapput.
Suliassat allatut pilersaarusiornissaannut kommuinillu ikilinerannut tunngatillugu suliap ingerlannissaa pillugu Namminersornerullutik Oqartussat/KANUKOKA-lu peqatigalugit ataatsimiinnermi peqataaneq.
- GA-p suliniutai: GA nutaamik pisortartaarpoq 1. januar 2008, tassalu Henrik Leth.
GA aalajangiivoq sinerissami siulittaasut peqatigalugit nunap immikkoortortaani ukiumoortumik ataatsimiittoqartassasoq. Ataatsimiinnerit siullit ingerlanneqarput november/december 2007. Ataatsimiinnerni tamani sullivinni avatangiisit eqqartorneqarput sullivinnik naliliisarneq (APV) qitiutillugu. Taakku saniatigut illoqarfanni sanasut illuini ilaasortallu ataatsimiinnerit ingerlanneqartarput arlaanik peqquteqarluta angalanitsinni tikikkaangatsigik. Ataatsimiinnerni taakkunani aamma sullivinnik naliliisarnermi (APV) malittarisassat nutaat paasissutissiissutigineqartarput.
Aamma 2007-p naalernerani GA Niuerneramik Ilinniarfik Nuummiiittoq suleqatigalugu APV pillugu tallimariarlutik pikkorissaapput, tassani inuit 150 missaat peqataallutik.
GA-p siulersuisui februar 2008-mi ataatsimiippit ilaatigut GA-p anguniagai periusissatullu pilersaarutaat nutarterneqarlutik. Taamaattoq immikkoortuni sullivinni angatangiisinut tunngasuni allannguutissatut siunnersuuteqanngilaq.

Entreprenørinut tunisassiornermullu brancheudvalgit kattunniarlugit siulersuisut aalajangiipput, taassumalu saniatigut branchemik allamik pilersitsisoqarluni tassalu aatsitassanut piianermullu tunngasumik. Sullivini avatangiisit eqqarsaatigalugit tassani GA unaminartunik suliaasaqalerpoq. Aatsitassanik piiavinni ingammik nunap iluaniittuni tunngavissat allarluinnaapput. Maleruagassat maannakkut atuuttut eqqarsaatigalugit ajornartorsiutinik takkuttoqarpat GA-p uterfigeqqissavai.

Taassuma saniatigut aamma nutaamik brancheudvalgiliortoqarpoq IT-mut attaveqarnermut tusagassiuuteqarnermullu tunngatitamik.

Marsimi brancheudvalginut qinersisoqarpoq.

Qallunaat Sullivinni avatangiisit pillugit inatsisaanni suliffeqarfiit pillarneqarnissamut akisussaatinneqarsinnaanerisa peerneqarnissaanut tunngasup Kalaallit Nunaanni atorneqalernissaata pisariaqaleriartuinnarnera GA-p maluginiarpa. Ataatsimiinnermi tullermi taanna oqaluseritineqassaaq.

- AK, ASG-p suliniutai: Kujataani sinniisunut pikkorissaasoqarpoq. Pikkorissaanerup tullia Qeqqani ingerlanneqassaaq piareersarneqarlunilu. Suliniutit nutaat pillugit AK'p ilaasortaminut nittartagaa nutarterneqartuarpoq.
 - SIK-p suliniutai: SIK-p aallartitai ataatsimeeqammerput, suliffigissaasullu sullivinni isumannaatsuunissamut suliniutai siulersuisuunerit nalunaarusaanniittut saqqummiunneqarput, nakkutilliisunillu isumannaatsuunerit apeqqutit Jens Jensen-ip Arnaq Grønvoldillu SIK-mut december 2007-mi tikeraarnermini saqqummiussaata saqqummiunneqarlutik agguanneqarput, isumaqaratta angerlaallugit aallartitanit ilaasortanillu oqallisigineqassasut. Taamaalilluni isumannaallisaanermut tunngasut pillugit oqallinneq annertusisinnaavoq. Aallartitat pikkorissarnerini "Sullivinni isumannaatsuuneq" ataavartumik eqqartorneqartalissasooq pilersaarutaavoq. Sullivinni isumannaatsuunissaq pillugu inatsit tunngavigalugu pikkorissaaneq SIK-p siulersuisuunerisa maajimi 2008-mi ingerlatissavaat.
2. Kalaallit Nunaanni sulitilluni ajoqusernermut sillimmartaarnermi ataatsimiititaliamiit paasissutissat

Sulitilluni Ajoqusersinnaanermut Isumannaarineq pillugu Ataatsimiititap sulitilluni ajoqusernerit 21/4 2008-mi amerlassussaata oqaaseqaatitalerlugit saqqummiuppai. Taassuma saniatigut sulitilluni ajoqusernerit assigiingitsut misissorneri arbejdsmedicinerimit Niels Ebbehøj-imit suliarineqarsimasut saqqummiunneqarput.

Ataatsimiinneq 2 – 26. august 2008

Suliffigissaasut ataatsimiinnerisa aappaanni Danmarkimi Sullivinnik Nakkutilliisoqarfimmiit pisortaq Jens Jensen aamma Sullivinnik Nakkutilliisoqarfimmiit inatsisileritooq Karen Vibeke Müller peqataapput, makkulu eqqartorneqarlutik:

1. Ilaasortanit paasissutissat

Kattuffiit siusinnerusukkut sullivinni avatangiisit pillugit suliniutaat 2008-mullu iliuusissatut pilersaarusaasa ingerlanissaat.

- KANUKOKA-p suliniutai: Inatsisit allangornerannut APV-mullu nalunaarutip paasineqarnissaat siunertaralu KANUKOKA-p kommuninut paasissutissiinnermut aqquutit nalinginnaasut atorpai. Kattuffiup nittartagata iluani sullivinni avatangiisit pillugit immikkoortoqarpoq, tassaniillutik paasissutissat ilitsersuutillu, kommunit allaffiini eqqumaffigineqarnerunissaat siunertaralugu. Pisortaqarfinni aqqissuusseqqinneq annertoq kommunit kattunnerinut suliaasallu Namminersornerullutik Oqartussat kommunillu akornanni agguarneqarnissaanik kinguneqartussaq qanilliarpoq. Suliassani allanguinerit taama annertutigisut soorunami pisortaqarfinni sulisunut ernumalersitsisnaapput, sullivinnilu avatangiisinut tunngatillugu apeqqutit kalluarneqartussaammata KANUKOKA ukiut marlungulersut matuma siornatigut kommuninut ilitsersuummik suliaqartitsinermini attaveqarnermut periusisanik siunnersuusiorsimavoq. Attaveqatigiinnissamut oqaloqatigiittarnissamullu ileqquususanik suliaqartarneqatigut sulisut akornanni paaseqatigiinnissamut toqqissimanissamullu pilersitsissaaq. Sulisoqarnerup tungaatigut KANUKOKA Namminersornerullutillu Oqartussat suleqatigiissitaliorsimapput, sammisami kommuninut siunnersuisartussamik, taamaalilluni aqqissuusseqqinneq eqaatsumik ingerlasinnaassalluni.
- GA-p suliniutai: APV (Sullivinnik naliliisarneq) pillugu pikkorissarnermik ingerlanneqartunik GA misilittagaqarluppoq. Pikkorissarnerit ingerlanneqareernerisa kingorna suliffeqarfiit nalunaartarneri pitsaasuupput, suliffeqarfiillu APV-mik suliaqartarput. Aqutsisut sulisullu akornanni oqaloqatigiittarnerup kinguneraa, suliffeqarfiit tamarmik sullivinni avatangiisinut eqqumanerulernerat, sulisunullu allanut tikkuassallugu akuerineqartalersimavoq, aammalumi suliffeqarfiit aqutsisunut. Pikkorissartunit arlalinnit kissaatigineqarpoq atortussanik pisariaqartunik Internetsimi ujarlersinnaaneq ajornannginnerulertariaqartoq. Tamanna peqqutigalugu GA nittartakkamik saqqaani takusassiorsimavoq "APV eqqaamaviuk". Tassani nassaarineqarsinnaapput APV-mut tunngatillugu atortussat. Ukuaanerani GA-p ingerlatalersimavaa "Byggeriets Lederuddannelse" (Sanaartornerup iluni aqutsisut ilinniartitaanerit). Aqutsisut ilinniartitaanerit sisamanik immikkoortoqarpoq

ukiunilu marlunni ingerlanneqarluni. Immikkoortumi ataatsimi ullut marluk sullivinni avatangiisinut tunngasunik imaqqarpoq.

Ingammik uagut nittartagarput aqutugalugu GA sullivinnut mikinerusut APV pillugu 2008-p naanerani paasissutissanik annertunerusunik ikkussiniarpoq.

- **IMAK-p; PPK-p PIP-illu suliniutai:** PIP ukiaq sinniisunut aqutsisunullu pikkorissaaniarpoq. IMAK sulisumik allamik atorfinitsitsisimavoq. Isumaqatigiissitsiniareernerup kingunerisaanik Namminersornerullutik Oqartussat atuarfiup aqutsisuinut immikkoortukkaartumik ilinniartitaanermik aallartitsisimapput ilaatigut suleqatigiinnermut ataatsimiititalianik tarnikullu sullivinni avatangiisit pillugit imaqqartumik. Atuarfinni tarnikkut sullivinni avatangiisit nalilersorneqartarnissaannut atorneqarsinnaasussamik IMAK-ip nittartagaani immersugassaqaalersimavoq. IMAK-ip Nanortallip Kommunia suleqatigalugu nutserneqarnera akilersimavaa. Qasuersaartarnerit ulloq unnuarlu sulinnigiffeqartarnerit pillugit isumaqatigiissut suli naammassineqarsimanngilaq – tassani Sullivinnik Nakkutilliisoqarfiup akuersinissaa amigaataalluni. Ukiakkut IMAK sinniisunut pikkorissaassaaq.

2. Qallunaat Sullivinnik Nakkutilliisoqarfiata pisortaa Jens Jensen paasissutissiivoq makkuninnga imaqqartumik:

Kalaallit Nunaanni sullivinni avatangiisit pillugit inatsit maanna tuluttuunngortinneqarsimalerpoq. Sullivinnik nakkutilliisoqarfiup nittartagaanut ikkunneqarsimavoq.

JJ paasissutissiivoq sullivinni avatangiisit pillugit inatsisip akuersissutigineqareernerata kingorna makkuninnga nalunaarusiortoqarsimasoq:

- Kalaallit Nunaanni suliakkiisup pisussaaffii pillugit nalunaarut
- Kalaallit Nunaanni qasuersaartarnerit ulloq unnuarlu sulinnigittarnerit pillugit nalunaarut
- Kalaallit Nunaanni sanaartorfiit assigisaasalu qanoq ittuunissaat pillugit nalunaarut
- Kalaallit Nunaanni suliffeqarfiit suliffeqarfinni isumannaatsuunissaq peqqissuunissarlu pillugit sulinerannut nalunaarut
- Kalaallit Nunaanni inuusuttut sulisarnerat pillugu nalunaarut
- Kalaallit Nunaanni Suliffigissaasut sulinerminni ileqqoreqqusaat pillugu nalunaarut
- Kalaallit Nunaanni sullivinnik naliliisarneq pillugu nalunaarut
- kiisalu asbest pillugu Kalaallit Nunaanni nalunaarutissamut siunnersuut

Taakku saniatigut assigiinngitsunik ilitsersuusiortoqarsimavoq.

Suliffigissaasut ataatsimiinnerani tullermi novembarimi pisussami isumannaallisaanermut ilinniartitaanermut tunngatillugu nalunaarutissamut siunnersuut saqqummiunneqassaaq.

2009-mi pilersaarutaavoq kranit pillugit nalunaarutissamut siunnersuusiaq saqqummiunneqassasoq.

3. Danmarkimi Sullivinnik Nakkutilliisoqarfimmiit inatsisilerituumiit Karen Vibeke Müllerimiit paasissutissat:

Asbest pillugu nalunaarusiassamut siunnersuut oqaluuserineqarpoq, nalunaarullu Suliffigissaasuniit tusarniaanermi akissutitalerlugu Namminersornerullutik Oqartussanut Danmarkimilu Suliffeqarnermut Naalakkersuisoqarfimmut nassiunneqassalluni.

Ataatsimiinnerit pingajuat – 11. november 2008

Suliffigissaasut ataatsimiinnerisa pingajuanni Danmarkimi Sullivinnik Nakkutilliisoqarfimmiit pisortaq Jens Jensen peqataavoq, makkulu eqqartorneqarput:

1. Ilaasortanit nalunaarutit

Kattuffiit 2008-mut tunngatillugu sullivinni avatangiisit pillugit suliniutaasa suliassatullu pilersaarutaasa siusinnerusuklut nalunaarutigineqarsimasut ingerlanissaat.

- IMAK-ip, PPK-p PIP-illu suliniutaat: PIP PPK-lu maannakkut ataatsimeersuarput. Taassuma saniatigut PIP sinniisunut aqutsisunullu pikkorissaanernik ingerlataqarpoq. Dronning Ingridip Napparsimmaviani tarnikkut sullivinni avatangiisit pillugit annertuumik ajornartorsiortoqarpoq sipaarniarnermik sulisussaaleqinermillu peqquteqartumik. IMAK: Atuarfiit pisortaasa ilinniartitaanerisa imarisaa aqqingajappoq. Ilinniartitaaneq tassaassaaq immikkoortutut aqqissuussaq pingasunik immikkoortulik. Qasuersaartarnissamut ulloq unnuarlu sulinnigittarnissamut piffissamut tunngatillugu isumaqatigiissusiortoqarpoq. Ilaasortat aviisiat siunissami immikkut sammisanik saqqummiiviusassaaq. Normup tullia tarnikkut sullivinni avatangiisinut tunngasunik imaqqassaaq. Namminersornerullutik Oqartussat KANUKOKA peqatigalugu sulisussarsiornermut atatillugu suliniutitut atorfinnut

takutitsivinni DK-imilu ataatsimiinnerni allani IMAK peqataassaaq. Ilulissani septembarimi sinniisut pikkorissarnerat ingerlanneqarpoq. GA-mut suleqatigiinnissamik isumaqatigiissusiortoqarpoq. Sisimiuni atuarfiup ilaata oqoqarnera pequtugalugu matuneqarpoq.

- AK-p ASG-illu suliniutaat: Kattuffiup ataatsimeersuarneranut atatillugu sinerissami sinniisunut tamanut APV pillugu AK ulluni marlunni maajimi 2007 pikkorissaavoq. Pikkorissarnek sulit malitseqartinneqanngilaq.
- Danmarkimi kigutileriffinni ikiortit kviksølvimik ajoqusersimasinnaanerannik misissuinnermut tunngatillugu Kalaallit Nunaanni kigutileriffinni ikiortit kviksølvimik ajoqusersimasinnaanerannik misissuineq aallartinneqarpoq. Ajoraluartumik misissuineq sumi ingerlanneqarneris ilisimaneqanngilaq.
- GA-p suliniutai: Nunap immikkoortuani ataatsimiinneq kujataani ingerlanneqarpoq APV pillugu maleruagassat nutaat 1. januar atulersut ilisimatitsissutigineqarlutik. Taassuma saniatigut ilisimatitsissutigineqarpoq suliffeqarfinnut mikinernut tjekestiliortoqassasoq (APV-mi naliliinnermi misissuutitut immersugassaq), APV-p suliarinerani atornerarsinnaasoq.

Ajoraluartumik ukioq manna nunap immikkoortuini allani ataatsimiinnerit angumerineqarsinnaanngillat.

GA nutaamik ilusilimmik nittartakkamik suliaqarpoq, neriuutigineqarporlu taanna atuisunut GA-milu sulisunut tikikkuminarnerussasoq.

GA nutaamik Nutaarsiassanik "Aurora"-mik pilersitsivoq. Pilersaarutaavoq ukiumut sisamariarluni saqqummertarnissaa. Normumi siullermi tullianilu APV pillugu allaaserisoqassaaq, tassungalu atatillugu maleruagassat nutaat, GA-llu suliffinnut anginerusunut APV-mik suliaqarsimasunut tunngatillugu misilittagai ilisimatitsissutigineqarlutik.

APV-mi maleruagassat nutaat pillugit paasissutissiinnermut ilanngullugu GA-p allaaserisat nittartakkamut ikkunniarpai, tassuunakkut aamma ilisimaneqarnerulerniassamat suliffeqarfiit sulisoqartut tamarmik 1. januarimitt APV-mik suliaqartarnissaat.

Aamma Brancheudvalgeni ataatsimiinnerni sullivinni avatangiisit tamatigut eqqartorneqartassapput, tassani sullivinni avatangiisinut tunngasut sulluunniit oqalisaasassallutik.

Aappaagumut pilersaarutit

GA-p suliffeqarfiit aatsitassarsiornermik suliaqartut peqatigalugit sulinnermi piffissaliinernut maleruagassat misissussavaat, taakku aatsitassarsiorluni sulinnermut tulluarsarneqarsimanngimmata. Ajornartorsiutit ilagaat sapaatip akunneranut ulloq unnuarlu sulinnigittarneq ataaseq. Suliffeqarfiit sulisulluunniit kissaatiginnigilaat aatsitassarsiorfimi sapaatip akunnerata naanerani sulingiffeqartarnissaq. Tamarmik sapaatip akunnera naallugu sulerusunnerupput kingornalu sivilunerusumik sulinnigiffeqartarlutik, angerlarsimaffiminni ilaqtatit ilagalugit.

Suliffeqarfiit peqatigalugit qasuersaartarnissamat piffissat ulloq unnuarlu sulinnigittarnissat pillugit nalunaarut misissorneqareerpat GA Suliffigissaasunut siunnersuusiussaaq.

Qummukartaatit il.il. pillugit Sullivinnik Nakkutilliisoqarfiup ilitersuutai ilanngullugit nalunaarusiat GA-p misissorluarusuppai. Misissorneqartariaqarpoq taamatut ittunik nalunaarusiortoqarnissaa pisariaqarneris – ingammik ilinniarsimanissamik tunngasortaa.

2. Sullivinnik Nakkutilliisoqarfiup pisortaa Jens Jensenip paasissutissiivoq ima imaqartumik:

Isumannaallisaanissamat tunngatillugu ilinniartitaanermut nalunaarummut siunnersuut eqqartorneqarpoq. Nalunaarut allannortinneqassappat pisariaqarpoq aamma isumannaallisaanermut tunngatillugu aqqissuussaanermut nalunaarusiap kiisalu isumannaallisaanissamat tunngatillugu aqqissuussinnermut ilaasortat ilinniarnerni naalagaaffimmiit tapiissutit atornerartarnerannut tunngatillugu nalunaarusiat allannortinneqarnissaat. Suliat agguataarnerannut tunngatillugu aamma eqqartuisoqartariaqarpoq, siunnersuisoqatigiit aqutsinnermilu ataatsimiititaliaq ataannassappat imaluunniit kattunneqassappat. Danmarkimi Sullivinnik Nakkutilliisoqarfik nalunaarutit pioreersut allannornissaannut tunngatillugu nalunaarutissamik nutaamik siunnersuusiortoqarpoq, Suliffigissaasullu ataatsimiinneranni tullermi siunnersuutit eqqartorneqassapput. Suliffigissaasut innersuuteqarnerisigut Sullivinnik avatangiisit pillugit ilinniartitaaneq Kalaallit Nunaanni suliffeqarnermut tamakkiisumik ingerlanneqassaaq.

Sullivinni naliliinnermi misissuutitut atortussat (supertjekestiler) Kalaallit nunaanni Sullivinnik Nakkutilliisoqarfiup nittartagaanut ikineqarsimapput.

Aqutsinnermik ataatsimiititaliaq

2008-mi marloriarluni nalinginnaasumik ataatsimiittoqarsimavoq, tassalu 25.08.2008 aamma 10.11.2008.

DK-mi Sullivinnik Nakkutilliisoqarfiup pisortaa Jens Jensen ataatsimiinnermi taakkunani peqataasimavoq.

Pikkorissaanerit

2008-mi 19-nik pikkorissaasoqarsimavoq – katillugit 301 peqataallutik: kalallisuq oqaasilimmik pikkorissarnerit aqqaneq marluk peqataasoqartut 198-nik, qallunaatut oqaasertalimmik pikkorissaanerit arfineq marluk peqataasoqartut 103-nik. Pikkorissartunit 301-init peqataasut 264 pisortaqqarfinit imaluunniit suliffeqqarfinit pisortanit pigineqqartuneersuupput, 37-illu namminersortunit.

Ilinniartitsinermit atortussat kukkunersiorneqqarnerat/nutarterneqqarnerat/nutserneqqarnerat
 Ilinniartitsinissamut atortussat kukkunersiorneqqaleruttorput. Siunnersuusiortoqarsimavoq taannalu Sullivinni Avatangiisit pillugit Ilinniartitaanermit kiisalu Danmarkimi Sullivinnik Nakkutilliisoqqarfimmi oqaaseqqarfigisassatut nassiunneqqarput.

Sullivinni Avatangiisit pillugit ilinniartitaanerup aqqiissuusaanermit inissisimanissaa
 DSU-p, KIIP-ip Sullivinnillu Nakkutilliisoqqarfiup akornanni Sullivinni Avatangiisit pillugit ilinniartitaanerup allattoqqarfiata Saviminilerinermit Ilinniartitaanermit inissisimanissaanut tunngatillugu nalornissutit pillugit ukiorpaalunni oqaloqatigiittoqqartarpoq.

Namminersornerullutik Oqartussani 2008-mi suliaaqqarfiit allanngortiterneqqarnerinut atatillugu Saviminilerinermit Ilinniartitaanermit – taamaalillunilu Sullivinni Avatangiisit pillugit ilinniartitaanerup aqqiissuusaanikkut Kultureqqarnermit, Ilinniartitaanermit, Ilisimatusarnermit Ilageqqarnermullu Naalakkersuisoqqarfimmi inissisimaqqilerpoq (KIIN).

Sullivinni Avatangiisit pillugit Ilinniartitaanerup sullinneranut ukiumoortumik akiliutip Saviminilerinermit Ilinniartitaanerup qaffanniarlugu nalunaarutigimmagu Sullivinnik Nakkutilliisoqqarfiup 4. september 2008 isumaqatigiissut allakkatigut atorunnaarsippaa 1. april 2009 ilinniartitaaneq nammineq ingerlatilerniarlugu.

Pisut allat namminerlu ingerlatat

- Suliffigissaasut § 50-imi 2008-mut nassuiaataat Danmarkimi Suliffissaqqartitsinermit Naalakkersuisumut, Inuussutissarsiornermit, Suliffeqqarnermit Inuussutissarsiornermilu Ilinniartitaanermit Naalakkersuisumut Sullivinnillu Nakkutilliisoqqarfimmut 10. december 2008 nassiunneqqarpoq, Sulitilluni ajoqusertoqqartillugu sulinerimullu tunngatillugu ajuuteqqartoqalersillugu immersugassamik ataasiusumik suliaqqartoqqartarnissaanik, kiisalu Kalaallit Nunaanni sulisitsisut pillarneqqarnissaminnut akisusaaffiata annikillisarneqqarnissaanik aammalu Kalaallit Nunaanni sulisut unioqqutitsippata pillaatit sakkortusinissaanik maleruagassanik peqqartoqalernissaanik innersuussisoqqarluni.
- Decembarip 8-ani 2008 2008-mi suliffitsialammik toqqasoqqarpoq. Sullivinnik naliliisarneq tunngavigineqqarpoq, marlullu ajugaasutut toqqarneqqarput: Nota Bene Radio A/S kiisalu Nunatta Atuagaateqqarfia. Toqqaaneq radiokkut TV-kullu saqqumilluarpoq.
- Tv-kut aallakaatitassiat takutitassiallu Inuk Media ApS-mit suliarineqqartut KNR-imut nassiunneqqarput.

Suliffigissaasut suliniutaat

Suliffigissaasut 2008-mi nammineq suliniutimik saniatigut Kalaallit Nunaanni immikkoortup suliniutai tapersorsorpai. Kalaallit Nunaanni immikkoortortap 2008-mi makku suliniutigai:

2008-mi pilersaarutaasumik suliniutit

Suliniutip suunera	Sullivini avatangiisini ajornartorsiutit
APV-mut tunngatillugu nalunaarutip paasisitsiniutigineqqarnissaa	
Sanaartorneq	Timimut naapertuuttoq (ergonomi), isasoorsinnaaneq, ajutoornissanik pitsaaliuineq, kivitsineq, inummut illersuutit, teknikkikkut atortorissaarutit
Timmisartunik usingiaaneq - usilersuineq	Inuusuttut, kivitsineq timillu atornissaa, teknikkikkut atortorissaarutit, inummut illersuutit, issi suerlu, ajutoornissamik pitsaaliuineq
Nujaleriffiit	Kemi, amerimik ajoqusiisartut, illup iluani silaannaq, timimut naapertuuttumik sulineq, tarnikkut sullivimmi avatangiisit
Iffiorfiit - timiusiorfiit	Ajutoornerit, ameq anersaartuutillu, kivitsineq, sulineq ataasiinnaavallaartoq sulitillunilu timip atornissaa, tarnikkut sullivini

	avatangiisit, issi suerlu
--	---------------------------

Suliffigissaasut aningaasaqarnerat

Suliffigissaasut ulluinnarni ingerlatsinermut qallunaat aningaasanut inatsisaatigut 2008-mi 300.000 kr.-nik aningaasaliiffigineqarput.

Suliffigissaasuni siulersuisunut ilaasortanit akuerineqarpoq
Nuuk,

Sten A. J. Lund
Siulittaasoq